



August 22, 2019.

Maligaliuqti Patterk Netser  
Minista Munariniqaqtuq Nunavunmi Ilihariaqpaalirviinnut  
PO Box 2410  
Iqaluit, NU  
X0A 0H0

Halu Minista Netser:

Kiuliqtagit titiraqtarnut February mi Titiraq Niuriyauyunut 2019 min 20 mut talvani titirarhimayatit hivulliyauyukhat havaaqhat hivunikhatlu Nunavut Ilihariaqpaalirviatigun (NAC mik naunaittut) uvani maniliqinirmun ukiuganni. Ilauyut Ilihariaqpaalirviatigun (Katimayiita) niriugtutlu havaqatigiumaplutin Aulapkaiyunilu ilauyut tikiutumaplugit hivulliyauyukhanik havaaqhat hivunikhatlu.

Katimayiita akhuuqhaihimmaangniaqtaat NAC kut ilihagutikhainnut, upalunggaiyainirmun titiqiviliqidjutitlu malikhugu *Turaaqtavut* hivunikhaata. Takudjutihimmaangniaqtavut inmi-ihuaqutikhainnut inuup nunallaamilu, pivikhaqaqtittilugit ayuiqhautikhainnik havaagiktunilu ilihaidjutikhainnik, pivikhaqaqtittilutalu ayuiqhaivikhanik Inuktun ilihaiyitlu qanuqtun ilihakpaktakhainnik, piliuqlutalu ihumaliutqiqtukhanik paatnagiingnikkut, aulahimmaaqtlutalu nakuuyumik.

Ilihariaqpaalirviatigun nutaanguyut pidjutihimmaaqututlu ilihavikhat, Katimayiita niriugtut amigaiklutik Nunavunmiut, talvulluqqu Inuinnalutik, ilaulutik tamainni Nunavut havakviinni, talvanilu Ilihariaqpaalirviami. NAC kut atuliquhimmangniaqtut Uqausivut 2.0 Anggiyuamik Upalunggaiyaidjut ikayuutikhainnik Nunavunmiut. Ilihariaqpaalirvia pidjutihimmaangniaqtait ilihagutigiyainni ayuiqhaiviannilu pitquhikkut atuqlugit hivunikhaliurutainni Inuit Qauyimayatuqanitni.

Katimayiita pidjutinahualirmatta uqaqviqatangnikkut pidjutitgit pivalliavikhaptingnut qulini ukiuni ihumaliutqiqtauyukhanik NAC kunnut, tamatkiutivyaktavut inikhait malruuq kihimi Katimayiimi ilauyukhanik. Utaqqiuktugut anggirutikhamik aippaa ilauyukhaq Kitikmeonnit nutaaqu ilihagututlu ilauvikhaanik. Pigiagtittiyugutlu piupapluta malruungnik 'humini' ilauyukhanik amigaikyuummiriami inuqaqviata. Katimayiita hadja iniktiliqtaat uqaqviqatangnikkut ihuaqhimayut piyaami ihariagiayuyut nunallaaptingnit tigungmidjutiqaqtunitlu tikiutiyaami hivuniraalurmup upalunggaiyaidjut Ilihariaqpaalirviatigun.

Talvungagupta atulitittilnirmun ihumaliutqiqtauyukhani upalunggaiyaidjutaani, NAC kut ikayuqtauniaqtut kaffini paatnagiyaainni, ihuaqhaqhimayiiqhimayut ihuaqhaqtauyukhaniluunniit huli, kavamatkuinnaunggittut havagvianggit, Inuit katimayiit, havavikyuanilu, kihimi aadlat ilihavikyuaqviyunit. Aliahukpiaqtugut taaffuminga Titiraq Kangiqhidjutimik sainiktaulihaaqtumit Memorial University min (Iliharvikyuaq) niriugtugutlu qulini ukiuni angginikhamik pivallianikkut Nunavut avallittuq ilihavikyuyinga. Paatnaqatigiiptingnit, akihaqtangniaqtugut uvaptingnik ilihavikyuaqviyuyilluaqluta iniktiqtunut inirnitnilu ilihagumayut. Piumangmagit Katimayiita taamna upalunggaiyaidjut pidjutiinaqtuq ikayuutikhamik nakuuqpiqaqtumik havaktauyaangginik qulini ukiuni havaktauyukhanik.



Katimayiita unniutikkutlu pittiangniaqtait. Quviahukpiaqtugut ilaugapta pivallivikhamik hadjamin Havakviuyup Upalungaiyaidjutaanni ihivriughugitlu titiraqtauhimayuq Maniliqidjutinut Hunanutlu Ihivriugtilluaq. Pilihaaqhimayut maniliqidjutit ihivriugtaungmatta nakuuqpiagtut. Piqaliqhutalu maniliqidjutinut katimayiyinik ilauyutlu ayuittiaqhimayut apikkuutivaktut naunaiqhimaplugitlu NAC kut maniliqidjutait. Uvagut piniaqtugut titiqqavut Maligaliurvingmut tuulliqhimapkaqtittailugit, ihuaqpiaglutik iniktiqpiaqhimalutiklu.

Katimayiita ihivriungniaqtait niriuriyatit NAC kutigut talvani takudjutiligupta katimadjutini October mi upin'ngaqhaliqqatlu. Hadjainnak, quviagiyavut tuhaqtipkaihimmaaqpakkaptik Katimayiilu ilauquyaffilu kituni katimadjutiptingni.

Pittiarnikkut,

Sue Ball  
Ikhivautalik

Una titiraq aadjiliuqhimayuq hapkunanut: Pauloosie Suvega, Angiyuqqaq, Nunavunmi  
Ilihariaqpaalirvia  
Jeff Chown, Tugliuyug Ministamun, Maniliqiyini

**NUNAVUT BUSINESS**  
ᓄᓇᓃᑦ ᓇᓴᑦᓂᑦᓂᑦᓃᓄᓃ



**CREDIT CORPORATION**  
ᑭᓇᓃᑦᓂᑦᓂᑦᓃᓄᓃ ᓄᓃᓃᓄᓃ

*“Lender of Northern Opportunity”*

Niqiliqivik 7, 2019

Nanngariyauyuq David Akeeagok  
Minista Munariqaqtuq  
Nunavunmi Nanminiaqtunut Atukkirvik Kuapuriissangat  
PO Box 2410  
IQALUIT, NU  
X0A 0H0

Halu Minista Akeeagok:

Katimayiyut Katimayit uqautigiyait 2019/2020 Titiraqhimayumik Niriuktauhiannikkut talvani Katimayiyut Katimayit katimadjutani Immaktirvia 10, 2019. Talvuuna uqaqpakhimayaptingnik, Katimayiyut Katimayit uqaqpakhimayut ukuninga:

Taimaa mikkauyugut timiqutikput, ihumainaqtavut Inuit Havaaqhainnik Upalunggaiyaidjutaa havaakhat uuktuinnarialaqaangata. Atauhiyuq Kuapulisiingit Inuit havaktukharnik tuyuqpakhimayaingit taimaarniaqhimaquq talvuuna 2018/2019mi. Tamna Kuapulisiingit ihumaliuqtun pittaqaqtangit ihuaqhailuni havaktiqhaqhiurnikkut ihumaliuqtunlu piliuriamikni uuktutikhamik Havaktuliqiyitkunun ikayutigiyakhanik ilihaqtittiyunik havaakhainik talvuuna Sivuliqtiksat ilihaidjutainun.

Katimayiyut Katimayit angirutiqahimiyut taima ihuinaaqtuqaqtukhaungituq havagvingmi umilruqhaiyunik, inugluguktuniklu akiniaktukharniklu qanuritkaluaqtulunik. 2018/2019-mi, Katimayiyut Katimayit havaktitlu ilihavakhimayut Inuit Qauyimayatuqangitnik havagvingmi.

Iliqatigiiktunik Havaqatigiiktuniklu pigiaqaqtun havagviptingni piqatigiiktukharnik. MOU-giyaingit ilauliqtun talvani Qiqiqtaalukmi Manikhaqhiurutit Pivalianiginik Kuapariisiyuqu, Qitiqmiuni Nunagiyauyuni Hivunihaliqiyit Timiuyuqu, Atuqtuarviklu Kuapariisiyuqu. Qungiakhimaaqtugut pivalliajutigiyauliqtun talvani Kivallirmi Nanminiaqtunik Havagviani ihungniaqtun pivalliaaangata piqatigiiktukharnik nuutaanik nuutiqauniaqtun havaktiit katimayiingitlu.

Hakugiktumik pidjutigiqaaqtun ikayutigiyakhanik pittaqaqtanginik Nunavunmi tamainiklu maniliqinirmut timiqutigiyangit havaqaqtigiiklutik ikikliyumiriagani maniliqidjutinik ayuqhautainik piimayangnun uuktuqtunik. Uvvannga, havaqatigiinaqtavut Nunavunmi Pivalliyuliyut Kuapuraisingit. Taima ihumagaluaqtugut katitirniq namagiluangitavut hanaqidjutikharnik hivumuugiangat, havakhimaarniaqtugut ihuaqhaidjutikharnik havaqatigiyaangata tapfuminga Naunaitkut Angiqatigiingnirmut. Nigiukhimayugut katimaqatigiyaaffingnik havaqatigiyaangata tamaita maniktarvikhaqhimaquumik iliqatigiivut ilaayutlu Ingilrayuliyitkut Pivalliyuliyikullu.

Titiqivikkut. Quiqta 2548 / Parnaivik Bldg Nayugaani 100 - 924 Mivvik Street Iqaluit, Nunavut X0A 0H0

☎ 1-888-758-0038 ☎ (867) 975-7896 ☎ (867)975 - 7897

Qiniqhimaarniaqtugut qanuriliurutikharnik ihuaqhaidjutikharnik tuhaqtitiyaangat upalungairutikharnik. Taima tamna Havakviangit Maniliqiyiryuangit Kanatamit ihivriuyagiigumitku Inuinnaqtungukhimayuq talvuuna 2016/2017-mi unalu 2017/2018-mun iniqhimayut titiqat, ukuat ukiunganik iniqhimayut titiqat tautugiaqaqtaat inuit kituliqaak talvani Kuapulisiingit qaritauyakkuurutaani.

Tamna 2018/2019 ukiuq tamaat unniudjut angiqtauyuuq talvani Katimayiuyut Katimayiit katimadjutani Immaktirviani 10, 2019 katimaqattaqhutiklu unniudjutauyunik havagiyayukhaniklu.

Kuapulisiingit havakpaktut havaqatigiblugit tapkua Maniliqiyitkut uqualu Ingilrayuliyiyitkut Pivalliyuliyiyikullu hapkuninga maligaliurvikkut uuktuutat aallanguqtirutikhanun uminga *Nunavunmi Nanminiaqatunun Atukkirvik Maliganga*. Una hivituvakhuni havakhaq nigukhimaniaqtugut iniqtirutaani.

Kuapulisiingit aulahimarniaqtut uuniudjutiinni, ihuaqtumik.

Katimayiuyut Katimayiit niriuktut katimaqatigiarni ukiakhami katimaqatigilutit, naunaiyaqtauhimayuq katimadjutikhanik Tarium Hikutirviani.

Pittiarnikkut,



Marg Epp  
Ikhivautalik

xc: Bernie MacIsaac, Ministaup Tuglia, Pivalliyuliyiyitkut Ingilrayuliyiyitkullu  
Jeff Chown, Ministaup Tuglia, Maniliqiyitkunut  
Peter Ma, CEO, Nunavut Nanminiaqatunut Atukkirvik Kuapuriissangat



ᓄᓇᓇᓕ ᐱᓇᓕᓕᓐᓇᓕᓕᓐᓇᓕᓐ ᓄᓐᓇᓐᓇᓐᓇᓐᓇᓐ  
NUNAVUT DEVELOPMENT CORPORATION  
LA CORPORATION DE DÉVELOPPEMENT DU NUNAVUT  
NUNAVUNMI PIVALLIAJJUTIKHALIRINIRMUT KUAPURIISINGAT

Qiqaiyalirvia 18, 2018

Maligaliuqti David Akeeagok  
Minista Munariyalik uvunga Nunavunmi Pivalliatjutikhaliqinirmun Kuapuliisinun  
Nunavut Maligaliurvingmi  
Iqaluit, NU

Haluu Minista:

Quanqqutin titiraqhimayarnik lidjirurvia 2019; uqautigiyara tuniplugullu Angiyuqqaaq & CEO Darrin Nichol-mun ilaliutauhunguyuq katimadjudutikhaptingnut upinngakhaqqan katgimaqatigiilirupta katimaluta.

Naunaiqhihimayunga qanikkut, ihuigiqpiaqtatka uumilruhainiq imaluuniit inugluguhungniq qanuqtutliqaak. Inuuhiptingni pitquyauyut piqaqtunik ihuaqhautikhanginik havagvingmi uumilruqhaarnikkut imaluuniit inugluguhungnirmik. Iakhuuqhimmakpaktunga ikayuqtikhanik ihuaqtunik Inuinnarnik havaktikhaqhiurnirmik amigaitilanginik kavamatkuni havagviuyuni, timiqutauyullu ilauyut. Ikittut havaqatigiiktut imaatutluuniit akhuuquyatka havaktitka qiniqhialutik ikayuutikhainik amigaigyuumiyangini Inuinnarnik havaktikhaqhiurutikhainik amikgaitilanginik.

Angiqhimayunga havaqatigiingniq ihuaqtuq, talvani NDC-kuni munaqhivaktugut amigaitunik anginiqaqtunik havaakhanik havagviuyuniklu havaqatigiiktukhanik. Tamna Iqalungnik Halummaqtiriniq havaqatigiiktut anginiqaqtuq, aadjikutavyaaniklu Agnico-Eagle havaqatgiplugit Winnipeg Art Galleryhavaqatigiiktut tamaita niuvrutikhanut niuvvavikhainiklu pidjutikhanik tamayanik havaktauhimayunik iqalukhiuqtauhimayuniklu Nunavummiunit hvaahaqariangini maniliurutikhainiklu nunaqaqtunut. Aadjikuutaniklu ilaudjudutikhaptingnik uqautikhaptingniklu ukuat RBC ukuallu Uqqurmiut Hanaugat Miqhaniklu, agitiyangani RBC bank-kut Pangiqtuumut atukhaliqqat 2019. Hamna uuktuutikhaq tunihiniaqtut nakuuyumik ikayuutikhanik nunamingni ihuaqtunik bank-mi atuqtakhainik hailiyunik nunangani.

Uukturumayavut akituyunik pinahuarutikhaptingnik maniliurahuarutikhaptingnik ikayuutikhanik nauvalliadjutikhanik nunani maniliurahuarutikhanginik. Hivulliutinahuarutikhangit maniliurahuarutikhat ikayuutikhanginik mikitqyanut nunallaanut ilitariplugillu NDC-kut tamainut ilaunahuaqhutik ilaani equity involvement is often maniliurniariakhamingnik

nallunaqtumik, havaaliuqpaktut angiglivalliadjutikhaniklu havaakhat anginiqhauyuq huli ihumaliurutikhanginik maniliurahuarutikhanik.

Umani ukiungani amigaitunik uqautigivaktait ukuak Angiyuqqaapta & CEO-lu, havaqatigivaktani Nunavunmi Nanminiqaqtut Atukkirviit Kuapuliisitkut (NBCC) kavamatkuni havaaqaqtut Pivalliyuliyiqikkut Ingilrayuliyiqitkullu (EDT) pidjutiaqaqtunik tamangnik ihumagiplugu atauhingutikhanik malruuk timiuyuk kihimi ihuaqhariaqaqtuk maniliutikhanut pivalliadjutikhangit atuqtakhainik Nunavunmi. Havaqatitkallu uvangalu talvani NDC-kunni katimayingit ihumagiyaffingnik tuharumayugut atauhingurlugik ihuatqiyamik maniliurahuarutikhanik ikayuutikhainiklu Nunavunmiunut. Ihivriuttiarlugit havaariyakhangit EDT-kut imatullu, naunaiyattiarlugit qanuqtut pinahuarutikhat ikayuutikhallu naunaiyattiarlugit qanuriliurutikhanginik havaqatgiikutiklu atauhingurumik timiuyug havagviuyurlu.

Katimayiuqatitkallu havaqatitka, ihumaliuttiakpaktugut kiunaqtunut kiinauyaliqinikkullu unniudjutikhanik pitquyauhimayunik atani Ilangani IX Nunavunmi Maniliqinikkut Auladjutikkut Maligat (FAA). Atuhaaqtuni ukiungini ihumayugut maliqattiaqtauniaqtut Kuapulisiitkunit akhuurnaqtukkut takuyuayavullu ihuaqtumik havaqatigiittiarlugit kavamatumuni havaaqaqtut Kiinayaliqiyitkuni.

Umikhiniaqtunga quyagiyumayaffi ikayuranginaqpakkaffi NDC-kunik, katimaqatigiyumayaffi havaqatigiluhillu nutaami ukiungani.

Pittiarnikkut,



Donald Havioyak  
Ikhivautalik

Cc: Darrin Nichol, Angiyuqqaap & CEO Nunavunmi Pivalliatjutikhaliqinirmun Kuapuliisinun  
Udlu Hanson, Tukliq Minista, Pivalliajuliqijikkut Ingilrajuliqijikkullu Havagvia  
Jeff Chown, Ministaup Tuglia Kiinauyaliqiyitkunut



ᓄᓇᓗᓕ ᐃᓕᓕᓂᓪᓗᓕᓂᓪᓗᓕ  
Nunavut Housing Corporation  
Nunavutmi Iglulirijirjuarkut  
Société d'habitation du Nunavut

Nanngariyauyuq Patterk Netser  
Titiqivikkut  
Qiuqutaa 1200,  
Iqaluit, NU  
X0A 0H0

## **Uvuuna: Nunavut Igluliqiyiryuakkut Kuapuliisitkut Titiraq Niriuriyanut, 2019-2020**

Taaqhivaliavia 11, 2019

Halu Minista Netser:

Titiqitagut kiuyumavlutit titiraqtaqni ubluani February-mi 2019-mi uqauhirivlugit havaarilraaqtakhatit iniqtirumayatiklu atuqtakhainik Nunavumi Igluliqiyit Kuapariisiuyuup 2019-mit 2020-mut.

### **Pitquyahimayunik Pilluagakhaniklu 2019-20**

NHC-kut 2019-mit 20-mut havauhikhainik upalugaiyaut mangilu atuqtukhat uqautauyuq malruuknik atuqniqaqtuknik havaarilraaktakhainik Kuapariisiuyumi, amihut nalaumayut *Turaaqtavut*-mi, atuliqtuukhaugaluilu ihuaqngini, inuuhiqatiaqnikhainiklu Nunavumiut ihumagilugit.

### *Inuinnarni Havaktitaulirnikkut Hivulluurun*

Kuapariisiuyuq quviahuktuq uqauhiriyaagani havaarilraarumayainik ikayuqtuqhugit Inuit havaktukhanik pijutigiyamiknik iniqhimayut 2019-mit 2022-mut Havauhiqmikni Upalugaiyaunmi. Naigligiaqlugu, Kuapariisiuyuq ilitaqhiyut taja Inuit havaktut amigainigit 36%-guniginik ihumanaqtuq nuutqaqnganik una ilaa ihuaqhiyariaqaliqmat. Amigainigit Inuit havaktut amigainiqhauyut nunagiyauyuni igluliqiyinik timiuyuni (LHO) uvaniugituq Kuapariisiuyumi inmikni, atuqniqaqtut havaarilraaqtukhaq pivaalirutigigiaqlugu Inuit havaktuqhanik LHO-kuni tautuklugit upiluni ikayuqtuqnahuariaqlugulu kigitqiyamik LHO-kuni havaktut havaliriagani Kuapariisiuyumi nunani titiraqviini, turaaqtaqviani, hivuliqhuqtilu havakviani. Ukiuq 2019-mit 2020-mut, NHC-kut turaaqvikhaqaliqtut inuqaliriagani 78%-mik agiqtauyunik inikhanik (90-guyut 116-nit inikhanit). Ukunani inikhani, 40%-guyut (41 inikhat), inuqaliqniqtut Inuinaqnik.

### *Uumilruhaarinaittumik Havaqviit*

Kivgaqtuqhugit Hivuliqhuqtigatitka Katimayini, Ikhivautaliklu Kuapariisiuyumi Atangyalu Ikayuqtiriit, itqainiaquhi tamaat pijutigiyaaqut nanminik pijutiqariagani piqariagani pitiagijutinik piqagitaagani havakviuyumi uvani Kuapariisiuyumi.

Kuapariisiuyuuq Tamaqmik ilitaqhiyut atuqnganik munariyaagani ihumahuuta tamaita havaktuq havagiami ihumagiyautiaqtumi, nakuuyumik ikayuqtuiviuyumiklu avatauyumik. Taimainigani, NHC-kut taja nutaaguqtiriyut Havakvikmi Aaniagitaagani Aanigitaaganilu Maliruakhanik, ilaqaqtunik naunaitunik maliruakhanik pijutiqaqtunik pitiagijutinik.

### Kanatami Iglulirinirmut Apquhiuqaq

April 1-mi 2019-mi, NHC-kut sainiqhiyut malruuknit agiqatiriigutauyumik Kanatami Iglunik Atukiutijutinik, Igluliqiyiniklu Kuapariisiuyumit (CMHC) ilagani Kanatami Igluliqinikut Atulirumayayumit. Una ilaqaqtuq pivalianiganik pigahuni ukiuni upijutikhanut upalugaiyaunmik atuqhugit tungaviliuqtainik Maliruakhamik Upijutinik Igluliqinikut (Maliruakhaq). Una upijutinut upalugaiyaut iniqhiayut agiqtauhimavlunilu. Hivuliqni pigahuni ukiuni agiqatiriigutigiyaaqut, NHC-kut ihumagiluaqniaqtaut nutaat inuit igluukhainik hanayauniginik ikiklivaaliriagani igluukhanik ihariagiyaayut.

Nalaumayuuq Katimaqatiriigutivut, NHC-kut upihimainaqniaqut hakugikhivaaliriagani ikayuqtiriigutigiyatik CMHC-kulu qauijutaayaaganilu qanuriniginik igluliqinik Nunavumi.

### Maligutikhaq Hulinikkut Iglukhanun

Havaaq atuliqnigagut maliruakhaq atuqhimaqaqtuq. Atuqhimaaginariagani aulaniga ukiuq pigahuat atuliqnigani ihumagiyaaqniaqtaut nutaaguqnganik Maliruakhaq, ihuaqhivaaliriagani havaqatiriigutaayuuq aulanigalu, pivalianigalu naunairutauluaqtut ihuaqhivaaliriagani kiujutaunigit.

NHC-kut katimapkainiaqtut Maliruakhaq ayuiqhaviyuaagani tamainit ilaayunit November-mi 2019-mi. Ukunani havakviuyuni uqaqatiriiknigit ayuiqhavikmi ikayuutauniaqtut iliturijutaayaagani Aipaagutuaraagat Qanuriniganik Igluliqinikut unipkaami, havitauyukhaq ukiumi 2019-mi.

### Nunalaani Havaktunik Pivalliadjutikharnik

NHC-kut ilitaqhiyut atuqnganik pivalianiganik nunagiyayunit havaktukhat ihauqtumik ayuiqhaniqmit. Taimainigani, NHC-kut havaqatitaaqtut Nunavumi Ukiuqaqtumi Ilihaqpaalivikmik pivaliyyaagani atuqtuukhat ayuiqhaniqmik pivaliajutauyumik nunagiyayumi havaktuukhani. 2019-mi, NHC-kut piniaqtut iglumik hanayariaqaqtumik atuqtaayaagani Ilihaqpaalivikmit, taima ilihaqtut pivikhaqariagani uuktiriagani ayuruiqtatik havaami.

### Havaqatitigiiknikkut uvalu Iliqiingnikkut

Ihuaqhiniiga Nunavumi igluukhailiuqniq pijutaayaariaqaqtuq havaqatiriigutinik ihuaqhahaiqtiriikniqmiklu. NHC-kut havakhimaqaqtuq ihuaqhivaaliriagani havaqatiriiknigit Nunavut Tungavik Timiuyuuq, Nunani Inuit Katimayit, Inuit Pivalianikut Kuapariisiuyut qiniriagani atuqtakhanik igluliqinikut pijutiqaqtunik ikayuqtiriigutinik.



### Havaqatigiplugit Nunamingni Igluliqiyitkut Katimayingit

2018-mit 2019-mut, Kuapariisiuyuuq havaqatigiatuq Nunagiyauyuni Igluliqiyinik Timiuyunik (LHO) pivaliyaagani nutaamik Munarijutinut Agiqatiriigutauyumik. Nutaaq Munarinigagut Agiqatiriigutit nahuriyauyut sainiqtauyaagani ukiakhami ikayuutauniaqmatalu NHC-kuni havaat pipkagauvagiagani ajikiinik nakuuyumiklu humiliqaa ukiuqtaqtumi.

### Havaktiinut Iglukhainik

NHC-kut Havakviuyuuq Maniliqiyinik havaqatiriikhimayut 2017-mit ihivriuniganik GN-kuni Havaktut Igluliqiyinik havaani, ihuaqhivaaliriagani tamaini pipkainiginik taja havaanik pivagiaganilu aulanikut ihariagiyauyunik pijutauyunik GN-kunit.

Taja Kuapariisiuyuuq, ukualu Havakviuyuuq Manliqiyinik Havaktuliyiniklu, havaqatiriiktut atuliriagani Ministauyut piquyainik aalaguniganik Havaktut Iglukhainik Pitquhinqnik nunalaani ilihairutikhangit; NHC-kut tuniqhimayut havaqatiriikhimaariagani Havakviuyuuq Maniliqiyinik Havakviuyumiklu Havaktuliyinik qilamik atuliriagani ukua.

### Nanminiqagtut Iglunik

2018-mit 2019-mut Kuapariisiuyuuq ihivriuqtait atautimiuyuni havaariyamiknik, Kuapariisiuyuuqplu nanminik igluqariagani havaat. Nanminik igluqariagani atauhiq ilagiyainik igluliqinikut havauhiuyunik Nunavumi, atauhiq ilaanaani mikitqiyauyuuq ukunanga aviktuqhimauni ukiuqtatunilu pijutauyunik. Taja nanminik igluqatiagani ihivriuniganik tikuaqhiyut ayuqhautinik nanminik igluqariagani Nuvavumi. Aulaniqatiaqniamaqaa ilituqhaut atuhimauq, aalatqiinik nutaanik, ajikutaqagitunik ihuaqtuniklu atuqtakhanik hakugikhivaaliriagani nanminik igluqaqniq Nunavumi ihumagiyauiqtut. Kuapariisiuyuuq uqauhiriniaqait Ministauyunut atuqtakhamik makpraamik ukiakhami 2019-mi.

NHC-kut havaqatigiatut tamanik uyarakhuiqtinik havakviuyunik havaaniklu ilauyuut aulaniganik Nunavumi ihauqhariagani ihuitut, atuqpaaliriaganilu nakuuyut igluliqinikut aktuqnigut havaamit. Uvuuna Kavamat Nunavumi – Agnico-kut Uyarakhuiqtit (AEM) MOU-mik Ihumagiyaugitunik Kamitiauyuuq ilagiyani kamitiuyumik Igluliqinikut, Kuapariisiuyuuq havaqatigiatut AEM-kunik qiniriagani qanuq ikayuqturiagani havaktigiyatik nanminik igluqaliriagani.

### Uqquqhimayut Ihuaqhaidjutikhanut

Kuapariisiuyuuq pivaktuuq ihumaalutauyuni pijutiqtatunik uqukmik ihumagitiaqhugu. NHC-kut pipkaihimayut uqukmik kiklimaktirijutikhanik ayuiqhaniqmik LHO-kuni tamaini 25-ni nunagiyauyuni, ihuaqhivaaliriagani ilauyut kagiqhimaniganik uqukmik, huuq taimailiniganik, tikuaqhijutinik, kiklimaktirijutinulu pigiarutinik. Ilagiyaaani uuma havaap, nutaaq uquknik kiklimaktirijutinik upalugaiqtauyuuq 20-ni igluni Saliqni, Iqalukni, Kagiqliniqmi, Sanikiluaqmilu ukiakhami 2019-mi. Katimayit Hivuliqhuqtit amiriniakait havauhiuyut Kuapariisiuyumit uquknik kiklimaktirijutinik akhuurutainik.

### **Aulapkainiq uvalu maniliqinikkut Munaginiq Uniujutinut Pitquyainik 2019-20mi**

Kaupariisiuyuuq tuniqhimaanaqtut aginiqhanik atuqtakhanik kiujutauyunik takuukhautiaqniqiniklu, una ilaqaqtuuq haaviniganik Maligaliuqviki ukuniga makpiraanik titiqanik:

- Kuapariisiuyuup Havauhikhainik Upalugaiyaut;
- Ukiuq tamaat angijumik unniudjutimik tamainnin pihimavaktainni, kaantraaktigut akiliqtuqhunilu aturutinik pijauvaktut Kuapuliisitkunit .
- Ihuaqtut kiujutit titiqanik nahuriyauyunik, titiqanik maliqyauyunik, Ministauyunilu atuqyainik.

Kuapariisiuyuq tuniqhimayuq unipkaariami havaariyamiknik Havakviuyumut Maniliqiyinit havaqatiriinaqniaqailu Havakviuyuq Maniliqiyinit tamaini havakviuyuni.

Hivuliqhuqatitka, uvagalu nahuriinaqtugut Kuapariisiuyuq hivumut aulaniqainaqnikhaanik 2019-mit 2020-mut aulanigani ukiumi nahuriyugulu havaqatiqariagani titiraqvigiyat NHC-kunilu havaktut atanguyalu ikayuqtiriinit ukua Nunavumiut pipkagauvagiagani atuqnganik aalatqiinik ihuaqtunik, akituvalaagitunik, aaniaqnaitunik igluukhanik atulaaqtunik.

Aulagituga, ukualu Kuapariisiuyumi Atanguyat ikayuqtiriit, qahaktugut apiqutikhaqaqnirufi huli.

Pittiarnikkut,



Bob Leonard  
Ikhivautalik, Nunavunmi Igluliqiyiiryuat

Aadjiliuqhimayuq:

Terry Audla, Angiyuqqaq unalu Atanngujauullaqtuq, Nunavunmi Igluliqiyiiryuat  
Jeff Chown, Tukliq Minista, Kiinauyaliqiyiit Havakvia



ᑭᓄᓕᓕᓄᓕ ᓃᓄᓕᓕᓄᓕ ᓃᓄᓕᓕᓄᓕ ᓃᓄᓕᓕᓄᓕ  
Qulliq Energy Corporation  
Société d'énergie Qulliq  
Qulliq Alruyaktuqtunik Ikumatjutiit

June 11, 2019

Nanngarijaujuq Jeannie Ehaloak  
Minista Munaqhiyuq QEC-kunnun  
PO Box 2410  
Iqaluit, NU  
X0A 0H0

## **Uumuuna: Qulliq Alruyaktuqtunik Ikumadjutiit 2019-20 Titiraq Niriughtauhimadjutini**

Haluu Minista Ehaloak,

Quanaqqutin uvani February 14, 2019mi titiqqidjutingnik naunaijaqhimajumik niriughtauhimajunik uumani Qulliq Alruyaktuqtunik Ikumadjutiitkunni (QEC unaluunniit Kuapuriisitkut”) uumunga 2019-20mun. Ihivriughimajara titiraqhimajan ilaujullu tamaita Kuapuriisitkut Alapkaijiit Atanngujaq taamnaujuqlu Atanilluaq Tukimuaqti (CEO), Mr. Bruno Pereira. Atauttikku niriuktugun nakuujumik angummadjutikkut hivulliutiujukhaujunik turaangajuniklu naunaijaqhimajun uumunga nutaamun maniliqinikkut ukiumun.

### Inuinnarni Havaktitaulirnikkut Hivulluurun

QEC-kut piliughimajun Inuinnarni Havaktitaulirnikkut Hivulluurunmik naunaijattiaqhimajun havaktikhaqhiunikkut pihimanikkullu parnaqutikhanik amigaiquummiqtirnikkut Inuinnarnik havaligtun tamainni naliinni havagvigijaujuni. Aullaqtirningani uumani maniliqinikkut ukiumi, Inuinnait havaktun 51%ngujun. Talvuuna GN-kunni iluanilu ajuiqharnikkut uuktuqvigihani, ukunanilu nakuujuni pinahuarutini imaatun Inuit Hivuliqtunikkut Pivallialiuqnikkut Pinahuarutimi, QEC-kut Inuinnarnik havaktikhaitigun pijug hivuummuuqtumik pidjutikhamik amigiatittijuummirnikkut uumunga nampamun.

Aulapkaijiit Katimajiit aimirihimmaarniaqtaa una hivumuunig talvuunga Havaktuliqijikkut IQ-kullu Katimajiinni. Niriuktugun pihimanikkut ikajurutinik havagvingnin Nunavut Kavamanganinlu aullaqitirutiqtinik kuapuriisitkut IEP parnarutinganik 2019-20mi hivunikanilu.

### Pikallaktaqturniqangittumik Havagviit

Aullaqtirningani havalirutimikni, havaktiit pitqujauhimajun ihivriuglutik GN-kut Pikallaktaqturniqangittumik Havagviinni Atugakhaq. Havaktiit akhuuqtaujut uqaquplugin qujaginnait ihumagijaujun pijukhatullu ihumaaluutin uumunga iluaniittumi Havaktuliqijikkut havagvingmun ihivriugniaqtait kiudjutigilugillu hapkuat ihuigijujun hiamitiqhimaittumik qilamiklu.

Tamamnuk Atanngujaq taamnaujuqlu Atanilluaq Tukimuaqtijilu QEC-kunni havagumajuguk munariluta akhuuqnikkut havagvingmik pikallaqturniqangittumik.

### Pauwaqarvingni Nutaanguqtirutit

QEC-kut niriuktun unniutijumaplutik hivumuunirmik aulapkaqtitaujuq uumanga Arctic Energy Fund-min (Ukiuqtaqtumi Auladjutikhani Maniliqtuuti) 2019-20mi. Hapkuat pimmarigharutit auladjutikhanun nakuuninginnun ihuarninginnunlu ihuaqpiqtumik hulaqutiqarniaqtun 13nun nunallaanun piliqtun nutaanguqtirnirnik. May 21, 2019mi, Kanadaup Kavamanga angiqhimajait maniliqtuutikhat janariitanun himmautikhanik nunallaani hapkunani Titirarjuaqmi, Kangiqliniqmi, Sallirmi, Igluligaarjungmi, Mittimatalingmi, Kangiqtugaapingmilu. Havaqatittiarutiginiaqtavun Nunalingni Kavamatkunillu Pivikhaqautikkut Havagvia pipkainikkut ihuaqtumik qilamiklu iniqturutikhanik tamainni Arctic Energy Fund-mi (Ukiuqtaqtumi Auladjutikhani Maniliqtuuti) hivunikhainni.

### Aallat Auladjutikhat Ilikkuuqtullu Pauwaliuqtiit

Kuapuriisitkut ikajuqtaa una Turaaqtavut hivulliutijumanirmi uumani Pivaallirutivut taamna ilaliutihimajuq pivallialiuqnikkut munarinikkullu aularaanginnaqtunik nunguttaaqatunilu piqtunik talvunga tavungaraaluk ikajuutikhanik Nunavunmiunnun. QEC havagumajuq mikhilaaqtittijumanikkut nunapta aturaanginnarumana uquhuqlungik piliuliqtullu pijaaqtunik qanuriliurutikhanik aallanun aularaanginnaqtaaqatununlu auladjutikhanik pivikhanik.

Ilaujuq uvani Kanadaup Kavamangani uqaqhimajaani qulaani, QEC-kut pijullu maniliqtuutikhanik ilaliutininganik uuminnga 500 KW hiqinikkut pauwaliqidjutikhamik tutquumajaaqtumik pidjutilikmik ilaupluni nutaamik Kugluqtumi pauwaqaqvikhamik nappaqtiqnikkun havaktakhamik. Kuapuriisitkun pinahuaqhimmarnaqtun maniliqtuutikhanik kavamatuqatkunnin pinahuarutinik ikajurutikhanik angiklihaqjuummirutikhanik aularaanginnaqtuni auladjutikhanik piniaqhimaqjutinik.

QEC-kunni nutaangujuq Ilikkuuqtut Pauwaliuqtiit Pinahuaruti pijukhaq aullaqtiqluni ukiukhami pigumi Ministanin angirutinganin. Una pinahuaruti ikajuqniaqtuq mikhilaaqtirnikkut nakuungittunik pujuurutinik atuqlunilu nutaanik auladjutikkut qanuriliurutinik pidjutilgit hapkunani aularaanginnaqtuni pivikhanin. Hakugiktuni naunaitkutini Inuinnainnin nanminirutikhainnik, una pinahuaruti tuniniaqtuq uuktuqvikhanik pivallialiuqnikkut nunallaani pauwaliqinikkut piqtukhanik nakuutqijaujunik pidjutikhanik hivitujuni avatimun piangajarnikkullu nakuaqqtikhanun Nunavunmiunnun.

### Utiqtidjutikkut Pauwatuutinik

QEC ikajuqhimmaaqtiaqtaa akhuurhailugulu una Utiqtidjutikkut Pauwatuutinik uvani 2019-20mi. Niriuktugun amigaiqjuummiqlutik Nunavunmiun uuktuqtukhat talvannga akhuurhaidjutiptingnin pinahuarutimik ukunani piliqtukhaujuni inungnun angmaumajunun havaatigun qunngiaqtipkaidjutikhanik Iqalungni, Kangiqliniqmi Iqaluktuuttiamilu. Piqarnikkut nakuutqijaujunik akhuuqhairnirni pinahuarutimi ikajuutainni, niriuktugun takujumapluta amigaiqjuummirutikhanik pilirnik uumani Utiqtidjutikkut Pauwatuutinik pinahuarutimi uumani maniliqinikkut ukiumi.

### Aulahimaaqtun Tuhaumapkaidjutit

QEC-kut Ahinun Tuhaumapkaidjutikkut Atugakhaq atuqtitauliqtuq December 2018mi. Una atugakhaq akhuurhaijuq ihuaqhainingani aulapkaidjutainnun tuhaumapkaidjutinik pihimajun Kuapuriisitkunnin inungnungaujullu. Naunaittumik tuhuqtipkainikkut Kuapuriisitkut piniarhimajain hulidjutailu hakugighaqtitpaktuq piqatigiigutivun akiliqtuivaktunun ikajuutaujuqlu inuit uppiridjutaanun uvaptiknik.

Ilanga uvani tuhaumapkainikkut parnaqutimi una aularaanginnaqtuq piqatigiigutivun haamlatkunni. QEC-kunni havaktiit ilauvaktun uvani Kitikmeonmi Qikiqtaalungmilu Mijait Katimanirjuarutaani Septembarmi Marchmilu 2019, hivuliriighutik, niriuktullu ilaujaami Kivalliup katimaninganun uvani ukiumi.

#### Nutaaq Havagvik Qamanittuami

Atulihaaqtumi maniliqinikkut ukiungani pihimajugun angirutiknik nappaqtirnikkut nutaami atanngujaqarvimmik havagvingmik Qamanittuami. Una ihariagijaujuq havagvikhaq pipkainiaqtuq atauttikkuuqtunik havaqatigiiknikkut pivighami havaktiptiknun tadsa havaktut naliinni humiliqaak nunallaami. QEC-kut amirittiaqniaqtaa hivumuunia uumani havaktakhami pipkaijaami kinguvaqtingittuq avatquhimaittumiklu maniliqtuutinganik unniutiniaqtaatillu hivumuudjutingani taimaatun.

#### Maniqinikkun Munarinikkun, Aulapainikkut, Unniutinikkullu Niriugtaujuun uumunga 2019-20mi

QEC-kut Atanngujaa taamnaujuqlu Atanilluaq Tukimuaqti, uvangalu unniutijumajagin havaqatigihimmaaqniaqtavun Kiinaunaliqijikkut Havagvia pipkaijumanikkut iniqtiqlugin unniutinikkun havaktakhavun naunaijaqhimajuq havagutiginikkut titiqqidjutingni. Una ilaqaqtuq tuninikkun ukununga Iluani Ihivriuqhinikkut Havagvianun ukuninnga tamainnik, kikliqangitumik, qilamiklu pinikkut tamainnik titiqqanun, piqutinun, inungnunlu.

Niriuktugun hakugikharnirnik piqatigiigutiptiknik ilingnun hivumuuluni pijumajugunlu aallanik uqautinik apirhuutingnikluunniit mighaagun QEC-kut hivunikhaanun ukunaniluunniit Alapkaijini Katimajiinni.

Pittiarnikkun,



Simeonie Akpalialuk  
Ikhivautaqaallaktuq, QEC Katimajiinni